

حديث الرئيس محمد أنور السادات

لأعضاء مؤتمر مصر عام ٢٠٠٠

في ٤ يناير ١٩٧٧

بسم الله

يسعدنى حقيقة اعظم سعادة ان التقى بكم اليوم خاصة بعد ما استمعت الى الدكتور محفوظ .. وتابعت الجهد الممتاز الذى قمتم بيه حقيقة .. يسعدنى ان استقبلكم و اشكركم باسم شعبكم و اهلکم فى مصر و باسمى شخصيا .. احنا نجتاز فعلا مرحلة مطلوب فيها ان جميع جهودنا تتوحد من اجل هدف واحد هو ان نعيد بناء هذا المجتمع المصرى هذا المجتمع الذى عمره ٧٠٠٠ سنة ، أصالة و حضارة و مدنية و اول حكومة قامت على ضفاف النيل و لكن لاسباب كثيرة تخلفنا .. احمد الله معكم و انتم رموز للعلم الذى لا يبد ان ناخذ بيه فى اعادة البناء .. و ناخذ بيه من اوسع ابوابه و من احدث ما وصل اليه العالم .. و ما لناش حجة فى هذا و لا انا فى تقديرى قلت هذا حتى ، و دائما ا قوله ل اخواتنا العرب .. لا يجب ان نسمح لنفسنا ان نتخلف مرة اخرى و إلا سينتهى الأمر زى ما انتهى الأمر بالهنود الحمر فى امريكا .. وده ما نقبلوش لنفسنا .. (تصفيق) .. الحمد لله العرب النهارده امكانيات .. التكنولوجيا و العلم الحديث متاح ما عايش حكر .. زى ما كان فى أيام العقد او العقدين الماضيين .. كان الكبار برضه يحتكرون العلم زى ما بيحتكروا القوة و التكنولوجيا فى السلاح و غيره .. لا .. العلم بقى متاح فى كل مكان و التكنولوجيا الجديد متاح فى كل مكان .. هو المفروض علينا احنا انه ندرس .. انا كنت سعيد لما قال لى الدكتور محفوظ ان احنا نعرف او لا مشاكلنا ايه .. نحصرها .. لانه فعلا ما حدش النهاردة يقدر يقوللى مشكلتنا بالتحديد ايه .. لسه هذه الناحية قاصرة الى حد طيب كعلميين و ده اسلوب علمى سليم .. نوجد مشاكلنا الاول و نحددها كمان .. مجرد ايجاد المشاكل هانستطيع ايجاد الحلول لها و نستطيع نضع الاسبقيات و الاولويات التى لا بد ان نطبقها ، انا سعيد بروح التعاون بين علمائنا بالخارج و علمائنا فى الدخلى هنا الذى تمت فى هذا الاجتماع و ارجو ان شاء الله ان نستمر بهذه الروح فزى ما قلت احنا فى اشد الحاجة و فى ميسس الحاجة ان نجمع جهودنا كلها بكل اخلاص و تجرد من اجل مصر و من اجل المستقبل لانه ده مستقبل اولادنا و احفادنا و مستقبل الاجيال التى جاية من بعدنا ان شاء الله .. مش عايز اتكلم كثير لانى عايز اديكم الفرصة لحوار نستطيع ان نشترك فيه جميعا بيكون احسن و يعطى فرصة فعلا انه اذا كان هناك تساءل لاي حد أو اذا كان هناك موضوع مطلوب القاء الضوء عليه يبقى

سهل ان احنا نتبادل فيه الراى .. مع كل شكرى و تقديرى للجهد الذى بذل و للنتائج اللى توصلنا اليها بادعوا الله ان يوفقكم فى المراحل اللى جاية علشان مزيد من النجاحات و مزيد من العمل علشان بناء مصر .. و دى تجربة كبيرة .. بناء مجتمعا سنة ألفين .. لان هايكون القاعدة لما بعد ذلك .. احنا فى مسيس الحاجة نضع قاعدة صلبة ثابتة اكيدة للاجيال اللى جاية ان شاء الله : حوار الرئيس مع العلماء

سؤال: فى جو دراسة اسباب هجرة العقول الى الخارج .. ما هو أثر ذلك على خطط التنمية ؟

الرئيس : الحقيقة .. بالنسبة للهجرة عموما .. فيه نوعين عندنا من الهجرة .. نوع فى الدول المتقدمة و نوع فى العالم العربى و الافريقى من حولنا .. لا اعارض اطلاقا فيه لاحساسى بشيئ اساسى و هو احنا تخلفنا فى الماضى كثير .. و يمكن محتاجين نحتك النهارده بالعالم و محتاجين نعرف ايه اخر ما عنده .. عشان كده انا بارحب قوى انه يشوفوا هذه المجتمعات و يختلطوا بها و ياخذوا فيها مناصب زى اللى اخذوها دى .. انا بابقى سعيد جدا لما اعرف ان واحد مصرى من ابنائنا عميد بكلية بسويسرا .. شئ عظيم ما فى شك .. لكن كان العيب زمان انه ماكانش فيه ارتباط بين المهاجر .. العقل المهاجر ، و بين الوطن الام اللى هى مصر علشان يقدر يعطيها ما عنده و يقدر ينقل لها احدث ما هو موجود فى العالم .. النهارده اتوجدت هذه الصلة .. يمكن كان فيه ظروف بتمنع هذا .. كان فيه قيود .. كان .. انتهى هذا سقط نهائيا ممكن النهارده فعلا بكل هذه الخبرات ينقلوا لنا خبراتهم و اعتراضى الوحيد هو انه يقطع الصلة بينه و بين الوطن الأم .. أما ما خلا ذلك ابدأ انا بارحب .. انا باعتبار خصوصا بالنسبة لافريقيا و للعالم العربى نحن مصدره للعقول و مطلوبه .. و لازم نعمل جهدنا علشان نوفى المسئولية اللى علينا بالنسبة للأمة العربية أو الافريقية .. و كمان اخواتنا اللى فى الدول المتقدمة و اللى بياخذوا فيها هذه المناصب الممتازة يغذونا باستمرار عن طريق المؤتمر بتاعكم و الخط اللى مفتوح بيننا و ما بينهم فنستفيد بما يحدث او ما يقع فى العالم أى (نيوهاو) جديد او تكنولوجيا او اى شئ احنا فى مسيس الحاجة ان اولادنا يشوفوه .. على سبيل المثال فى الزراعة مثلا .. انا غير سعيد بالزراعة بتاعتنا .. مع ان احنا دولة زراعية ممتازة .. و فلاحنا معروف من أحسن فلاحين فى العالم .. لكن تخلفنا فيه تكنولوجيا جديد .. هل معقول النهارده فى سنة ١٩٧٧ نرعى الفدان عندنا ب ٧٠٠٠ متر مكعب ماء .. مش معقول الكلام ده .. فين الرى بالرش و الكلام ده كله و بيطلع محصول مضاعف عن الغمر اللى احنا بنعمله ٧٠٠٠ متر مكعب ماء للفدان .. بتوفير نصفها وده يجب ان يكون لان انا مكلف الناس اخوانكم المهندسين و العلماء هنا فى مصر لدراسة هذا و الوصول لنتائج حاسمة و باسرع وقت ممكن .. بتوفير نصف الميه دى هانقدر نعمل ملايين جديدة من الافدنة فى الصحراء اللى هو انتم وصلتم لها فى مؤتمركم هذا وانا سعيد جدا انكم وصلتم لهذا لانه ان الأوان ..

لانه احنا قاعدين فى أربعة فى المية من مساحتنا كلها و حولينا ٩٦% سايبنها .. ان الأوان المجتمعات الجديدة لازم تطلع الى الصحراء .. الميه .. لانه مش معقول اعطى الارض القديمة بتاعتنا اللي فى الدلتا دلتا النيل و حوالين النيل فى الوجه القبلى اعطيها ٧٠٠٠ متر مكعب ميه للقدان .. ما يحصلش تقريبا .. ده نوع من سفه .. لكن اصلنا ماشيين بالقصور الذاتى بتاع زمان ،، امتداد للعملية بتاعة زمان يمكن ده كان معقول .. لكن بعد ما بقى فيه علم و بقى فيه تكنولوجيا و (نيوهاو) جديد و فيه رى جديد كل ده لازم يتغير و لذلك أنا باطلب من اخواننا انهم يطلعوا و يشوفوا على الموقع فعلا هناك بره ايه التكنولوجيا الجديد و تجربته بره و بعدين بيجوا ينقلوه هنا .. اخواننا اللي فى هذه الاماكن من ابناؤنا المصريين يتيحوا لهم لأن دول رسل لنا بره يتيحوا لهم هذا ويبسروا لهم فى هذا المجال و فى غيره من المجالات .. و على ذلك أنا لا انزعج من هجرة العقول .. إلا بقدر ما يفصلوا بينهم و بين الوطن الام .. لا .. اذا كمان فيه قيود يتمنعوا فى الماضى دلوقتى مافيش هذه القيود اطلاقا و فى كل وقت و فى كل زمان متاح انه بيحى و يشوف بلده و ينقل اليها ويعود ده كله بيسعدنا كلنا و ها ينتقل بينا .. ينقل مجتمعنا كله النقلة اللي احنا عايزين ننقلها

سؤال : فيه اقتراح من الدكتور مهندس محمد السهرجتى يقترح انشاء مجلس قومى متخصص للثورة المائية

سؤال : من الدكتور فريد بشارة أستاذ بجامعة ولاية أوهايو بامريكا .. مازالت بعض الشركات الامريكية التى تود القيام بمشروعات عمرانية فى مصر تجد صعوبة فى الحصول على الضمانات و تمويل من البنوك الامريكية التى ترغب فى ضمان من الحكومة الامريكية .. هل هناك توجيه من سيادتكم لحل هذه الصعوبة ؟

الرئيس : فى هذا احنا بنبذل كل ما نستطيع من ناحية الحكومة الامريكية علاقتنا طيبة جدا مع الحكومة الامريكية و انتم عارفين انه نتيجة العلاقات من سنة ٧٣ بعد معركة اكتوبر مباشرة و فهمنا لبعض و عودة ثقة الناس فينا فى الخارج و ثقتنا احنا فى نفسنا كمان ، علاقتنا طيبة جدا مع امريكا ، هو اللي لا شك فيه انه بعد محطينا زى ما انا قلت و انا فى الولايات المتحدة حطينا ستار حديدى احنا بنينا حولين نفسنا ، عبارة عن قوانين و قيود و نظريات و عمليات عملت نوع من الشلل للعقل عندنا و للحركة .. مش ممكن بعد عشرين سنة من ده فى سنة او اثنين هنخلص من كل ده ، بنغير القوانين ، غيرنا مع المجلس اللي فات الدورات الماضية ، و مطلوب النهارده ان نغير كمان القوانين ، بنشيل بنقضى على الروتين و يمكن قرأتم و سمعتم انه فى اجتماع مجلس الوزراء الجديد هنا فى الصالة اللي جنبكم ، قلت لهم ، للوزراء انسفوا الروتين . انسفوه نسفا و انا معاكم ما تخافوش قلت لهم . فيه مصاعب لكن مش بالمبالغة اللي بتسمعوها هناك . فمثلا انا هديكم مثال انا جيت فى

يوم و قلت انا عاوز كباية لبن لكل طالب فى مصر مجانا من الدولة باعتبار ان ده امر طبيعى ، علشان ولادنا ميطلعوش ضعاف ، انا لما باجى ادور على طيارين نفاثة عشان نعيش العصر اللى احنا فيه الاقى اولادى صحتهم مش كويسة ، فعايز ادى لكل طفل كباية لبن يوميا من اول ما يخش المدارس لغاية ما يطلع يتخرج ، و بعدين بقية الاكل يروح هو يكله هناك ، احنا بنشتغل فيه برضه .. بعثت انا بنفسى جبت الشركات اللى بتعمل هذا الموضوع و جبت الدراسات ، اتعملت . فوجئت بالمبالغات من هذه الشركات فى استغلال الظرف اللى احنا فيه ، و المكاسب ضخمة على كل لتر لبن .. عملية مش معقول ابدأ كان فيه من جانبنا احنا برضه خطأ و هو انه جم راحم مسعرين ايجار الارض و ضربوه فى العالى خالص . الله طب ما صاحب المشروع جاه عايز يكسب ، مش معقول أديله ايجار ارض ، كان انا باجر له الارض و بقول له خدّها خلاص اشتغل فيها لوحدك و اتصرف ده انا شريكه ما انا داخل معاه و اللى هيعمله هيعمله على الارض عندى طب ابالغ ليه فى هيعمله الارض يعنى ما اعطيه بثمان رمزى و ده اللى انا عملته من ثلاث ايام اتفقت مع السيد رئيس الوزراء فى اجتماع اللى تم فى اول يناير انه كل هذا يبقى بثمان رمزى ليه .. لان المشروع عندى هو هيروح فىن ، ده على الارض هذا موجود ، و احنا الاثنين بنشتغل فيه سواء انا و اللى جاى و جايب لى النيوهاو الجديد و باديله المانجمنت عشان اقدر اعلم الناس بتوعى من اول و جديد . شركاء و بنجح . ففيه مبالغات من بعض الناس اللى جم هنا ، و مخدوش الشروط اللى هما طالبينها و فيه تقصير من جانبنا احنا بلا جدال و بلا شك ، بنكسره دلوقتى و نحاول ان انا نتغلب عليه و ارجوا ان شاء الله خلال ٧٧ باذن الله ان يكون هناك موديل جديد من كل حاجة

سؤال : صاحب هذا السؤال الدكتور طاهر خليل و هو رئيس قسم الهندسة الحيوية فى جامعة ماين . ما هى خطة الدولة لنقل التكنولوجيا الحديثة الى جميع نواحي الحياة فى مصر و ما هو تصوركم لدور علماء مصر فى الخارج فى هذا الشأن ؟

الرئيس : بلا شك يعنى انا لا استطيع انى اتحدث عن الموضوع على هذا المستوى العلمى العالى الا بشىء واحد هو انه الناس المتخصصين و عندكم اكااديمية البحث العلمى ماشية فى هذا دلوقتى المتخصصين لازم يقعدوا يعملوا لانا هذه الخطة لانه ما تكفيش الخطة ده عايزين الاولويات اهم حاجة النهارده احنا فى حاجة اليها ما هى الاولويات المطلوبة مثلا من هنا احنا دلوقتى احنا سنة ٧٧ ، من هنا لسنة ٨٠ احنا فى عنق زجاجة صعب جدا ، اقتصاديا علشان كده طيب نعمل ايه ، اتفقت مع رئيس الوزراء ، بنركز على الزراعة اللى هى طعام ودى الأمر فيها سهل جدا لانه بتروى الارض و بتحط الحبة بعد ثلاث اشهر بتاخذ المحصول على طول . ايضا التركيز على الاسكان طبعا الزراعة محتاجة الى جانب التكنولوجيا الجديد اللى مثلا فى الرى أو فى التسميد أو فى البذور أو فى كل هذا محتاجة

ايضا مستلزمات كالمسماذ لازم نعمله و يكون عندنا بوفرة و كما نصدر منه و احنا جاهزين لهذا فى آخر هذا العام ان شاء الله فى ٧٧ بنصدر مش بس بنكتفى ذاتيا فى السماذ لا بنصدر ايضا و هنستمر فى بناء هذا .. بعد الطعام بننقل على الاسكان ، عايز المستلزمات و عايز مصانع اسمنت داخله فى الخطة و بنعملها كمان .. عاوز مصنع جديد اسفنجى علشان يعطينى كمية الحديد اللى انا عايزها بسرعة و لانه زى ما انتم عارفين الحديد الاسفنجى بيشتغل على الغازات و احنا عندنا طلع ابو الغراديق فيها غازات و الدلتا فيها غازات و ابو قير فيها غازات ، غاز ابو الغراديق وصل فعلا القاهرة بحيث يغطى القاهرة كلها ، كل القوى المحركة فى القاهرة هتكون من غاز ابو الغراديق و المحطة الاساسية الكبيرة فى دهشور خلصت انتهت جنب القاهرة على طول .. دول الناحيتين الاساسيتين اللى هو الطعام و الاسكان ، انا بركز ، فى الاولويات انا باديهم لكن و الله علمائنا يمكن يلاقوا شىء تانى يكمل هذا كله او يخدم هذا كله ويسبق هذا كله مفروض انهم هما يقعدوا . علمائنا و يحطوا و احنا بنقول الخط العام من هنا لغاية سنة ٨٠ على الطعام و على الاسكان و الطبيعى جميع مشاكل الخدمات اللى احنا بنقاسى منها مثلا التليفونات زى ما انا قلت لهم ، ووزير المواصلات طالع رايح ألمانيا لان احنا لنا قرض هناك ٥٠٠ مليون مارك وسيمين جه و درس و عمل (فيزبيلتى استدى) للعملية كلها ناقص بس يروحوا يعرضوه فى تندر هناك فى ألمانيا و بيحى اللى يرسى عليه ينجى ينفذ على طول .. مش لازم نضيع وقت وضيعنا وقت ضيعناه ينجى ستة اشهر السنة دى للاسف و ده اللى خلانى كنت منفعل فى الاجتماع الاخير يوم اول يناير . لانه ضيعنا ستة اشهر ليه . القرض موجود من مارس الماضى و الدراسة سيمين خالص منها فى اواخر الصيف اللى فات . طب ليه مارحش المسئول و عمل فى ألمانيا جاب الناس يشتغلوا على طول .. مفيش حاجة كانت تعطله الى جانب الشيين الاساسيين الطعام و الاسكان . جميعهم اركز على الخدمات الخربانة عندنا من السيتينات و كنا بنأجل على أساس ان احنا بوجه الانتاج علشان يعمل عندنا فائض نصرف بيه على الخدمات . جت معركة ٦٧ . خدنا اللى طالع من الانتاج علشان نصرف على البلد مش على الخدمات و نعيش لانه بننزف من ٦٧ الى ٧٣ .. انا قلت ان احنا بدأنا المعركة و اقتصادنا تحت الصفر ، فى يوم ٥ اكتوبر لما جمعت مجلس الحرب قلت لهم ان احنا اقتصادنا تحت الصفر ، طب ايه اللى جري ؟ أول الاسبوع فى المعركة جالى نصف مليار دولار . ووالى بعد ذلك اخواننا العرب فى مدنا علشان نطلع من مرحلة تحت الصفر الى المرحلة اللى موجودين فيها النهارده اللى كلنا مش راضيين عليها .. ليه ؟ لان احنا كلنا عايزين نخلص منها لكن عندي عنق الزجاجة من هنا لحد سنة ٨٠ ليه ؟ القناة سمعتم ايرادها عام ٧٧ ، ٥٠٠ مليون دولار

فى سنة ٧٦ وصلت تقريبا الى هذا الرقم . لكن فى ٧٧ اكيد معدية الرقم ده . برضه محتفظين و بنقول ٥٠٠ . البترول اللى عندي تحت الميه فى خليج السويس . امكو ، الشركة

الامريكية كان عندي المدير بتاعها ، و اتفقنا ان البرنامج بتاعنا مليون برميل يوميا سنة ٨٠ . البترول ده موجود مش حذور عليه ، غير ٢٢ كولسيشان بيشتغلوا السنة دي ٧٧ في الصحراء الغربية ما قالتش كلمتها خالص ، و ان في ٢٢ شركة مركزين و من اول ٧٧ متوقع ان شاء الله بسمع من الصحراء الغربية . لكن اللي موجود عندي في خليج السويس بيدينا مليون برميل يوميا سنة ٨٠ متاعبي كلها اذا من هنا لحد ٨٠ و القناة بتدينا ٥٠٠ مليون بعد ما قالوا لنا فقدت أهميتها في العالم كله . حتي الناقلات الكبيرة و هي راجعة فاضية كانت مقاطعة القناة . السنة ٧٦ رجعت و شفت بنفسي ٢٥٠ ألف طن ماشية فاضية و هي راجعة إما و هي راجعة و هي مليانة بتلف حول رأس الرجاء الصالح القناة غير البترول ، اليابانيين بقي لهم ٦ شهور بيشتغلوا في مشروع توسيع و تعميق القناة . بدأوا من السويس النهاردة من الاسماعيلية شوية . أنا لما كنت آخر مرة في العيد الكبير رحلت شفت العملية بدأت من السويس ووصلت لغاية الاسماعيلية . هذا التعميق و التوسع بيوصلنا الي ثلاثة اضعاف دخل القناة النهارده ، سنة ٨٠ برضه إذا كل مشاكل سنة ٨٠ جاهزة من اللي عندي من اللي لسه امل موجودة . بتتحل ان شاء الله طب من هنا لسنة ٨٠ عادي مشاكل زي ما قلت لكم في الخدمات أنا بلخصها في مشكلتين كبار . الطعام : وده انا مركز عليه بالكامل و كل مستلزماته و الاسكان بما يحتاج من اسمنت الي حديد .. الي ... الي ... أنا عايز العلماء يقولوا لي من هنا لسنة ٨٠ نحل مشكلتي إزاي ؟ لانه جنب ده عندي مشاكل أخرى ، عندي القروض قصيرة الاجل اللي الفوائد بتاعتها عليت ، و عندي نقص في الطعام . و لو انه سمعتم ان في سنة ٧٧ كل ٣ شهور في مشروع كبير للطعام و حبيستمر على طول ان شاء الله إلا انه علشان يدي أثره عايز وقت . الكلام ده ما يتعملش في يوم و لا سنين عندي مشاكل حاصدتها ، في المرحلة دي يقعدوا يقولوا لي بدي الاولويات . احنا بنقول دول مشكلتين اساسيتين . انا كمسئول باقول ما فيش مناقشة فيهم الطعام و الاسكان و طبعا حل المشكلة الخدمات . اللي عندنا طب يقعدوا يقولوا لي ايه يبقي الاسس اللي نضعها علشان الخطة الخمسية اللي بتبدأ من عندهم ٨٠ و طالع لبناء مجتمعنا علشان يتوافق مع اللي احنا عايزينه لسنة ٢٠٠٠ يعنى عايز التخطيط زي اخواننا اللي عندهم خبرة في هذا و عندهم علم مش عايز نشتغل من اليد الي الفم . لا . انا عايز نيجي من ٢٠٠٠ و نقول احنا عايزين ايه و بعدين من دلوقت من الخطة الخمسية الثانية لغاية ما نوصل الي ٢٠٠٠ نبقى ماشيين علي أسبقيات و برنامج واحد و ده عايز العلماء ، ما اقدرش اقوله انا لوحدني

سؤال : من ضمن ثروتنا المختارة الطاقة الشمسية و السياحية ، الدكتور أحمد دفرأوي يبسأل كيفية دفع السياحة و الاستفادة من الشمس لأنه أحد خبرائنا ؟
الرئيس : الشمس : اي شىء هو عايزه في هذا المجال ببيجي و احنا نعمله له علشان

تستخدم هذه الطاقة من عندي انا هاقد معاه شخصيا ، يا ريت .. اليابانيين اظن انهم متقدمين في هذه الناحية بالذات و بعثنا نستعين بيهم .. لكن لما يبقى عندنا خبير مصري ياريت و ييجي يبدأ كل الامكانيات حتوضح تحت أمره.. اما بالنسبة للسياحة ما هي مشكلة بتدخل في المشاكل اللي انتم عارفينها .. احنا كنا زمان قبل الانفتاح فنادقنا كان إشغالها كان ٣٠% في السنة ، النهارده عندي الفنادق للسنة جاية ٧٧ محجوزة و موش كفاية محتاج لعشرين ألف أوضه زيادة .. فيه تكنولوجيا جديد طلع في المباني في السويد و انجلترا و امريكا اللي بتبني فيه العمارة في شهور .. بدأنا جيبنا الشركة الانجليزي اللي عندي هذا و يمكن اللي راح منكم مصر الجديدة عند روكسي شاف هذه العمارة الجديدة لأول مرة بنعملها و دخلنا شركة المقاولين العرب معاها علشان تاخذ التكنولوجيا لانه زي ما انتم عارفين المصريين ما بينقصهمش حاجة . الكوبري اللي حصل بتاع ٦ اكتوبر بناه المقاولين العرب بدون اي خبرة اجنبية لانهم بنوا الكوبري بتاع الجيزة مع الانجليزية اللي في روكسي .. الشركة بتطلع ٥ متر في اليوم شئ غريب و طالع قلب العمارة لما تشفوه و طالع من حواليه العمارة كلها اللي المفروض انها مثلا بتاخذ هنا ٣ الي ٤ الي ٥ سنين بتاخذ ٦ اشهر .. بعثنا و الشركة الانجليزية بتشتغل و طالب ان السويدي و الامريكاني ايضا ببيجوا يشتركووا حتي في سميراميس الجديدة . و عايزهم يعملوا بنفس التكنولوجيا علشان تمشي ، محتاجين لهذة الفنادق و محتاجين للخدمات . كل واحد ببيجي عايز يتصل مع العالم كله . المحطة الكبيرة بتاعت الاقمار الصناعية ما عملناهاش كلها ليه ما اعرفش في الفترة الماضية . عملنا محطة صغيرة في سراي القبة . و هي يدوبك بتكفي . لكن الكبيرة اخر السنة دي بتركب ان شاء الله . عايز اقول يكفي حكاية الفنادق و اللي مفيش اوض علشان نعرف أد ايه احنا بنعاني في السياحة . و لو عندنا ألف أوضه النهارده زيادة كان زمانهم محجوزين ايضا النهارده ، علشان كده احنا بنجيب التكنولوجيا الجديد اللي بيبينوا لنا العمارة في ٦ أشهر كلها عمليات متوقفة علي بعضها يمكن سمعتم رئيس الوزراء قال دخلنا من السياحة كتير قوى

سؤال : في مؤتمرنا هذه المرة نحن نعلم اهتمامكم بالشباب كان للشباب جلسة عن دور الشباب في التنمية من الان و حتي سنة الفين اثبتوا يعني وعي و علم و نشاط . و نجحوا لنا مؤتمرنا ،

في سؤال من الدكتور محمد كامل (ممثل الشباب) بيسأل عن دور الشباب في التنمية ؟ الرئيس : نفسي نضع برنامج ازاي نبني الفرد أولا .. فيه راجل و أنا في السجن قرأت لهفرانك كريبه كتب ازاي بناء الفرد . و عمل في هذا بحث في غاية الروعة بكلمتين ينطبقون علي الواقع اللي أنا نفسي نعمله بيقول تبدأ حياة الفرد الشريفة بأن يعلن استقلاله تماما . كما تبدأ الأمة حياتها الشريفة باعلان استقلالها

و بعدين ازاي الشباب يعلن استقلاله . او ما هو ازاي يكون المكونات الاساسية لذاته .
حاططها كلها في عملية . انا باتألم لانه شبابنا بيعاني من حاجات كثير قوي . من ضياع .
ليه ؟ بعد حرية الصحافة . طلع ناس بتكتب في اقصي اليمين ، و ناس بتكتب في اقصى
اليسار . و ده بيكتب مذكرات و ده بيكتب مش عارف ايه حكاية ، انا لو في سنهم شاب في
وضعهم بالتاكيد لازم اتجنن . الفترة اللي فاتت البعض بيقول انها مفيش فيها انجازات و
البعض بيقول لا فيها انجازات ، فترة قبل الثورة الاحزاب . البعض بيقول دي صفتها كذا ،
و بتوع الاحزاب بيقولوا ابدأ دي كانت الخير و البركة . و الثورة جت هي اللي بوظت
الدنيا . حاجات من هذا القبيل في وسط ده كله ايه يدي مناعة للشباب عندنا . التكوين
الداخلي ذاته اذا لم يصف قيمة انسانية للانسان . ليس له قيمة هذا العلم . ده احنا عندنا
مجموعة قيم ضخمة ، شبابنا بنبيه عليها اولاً ، علشان نجنبه الضياع و التوهان لانه اعلن
استقلال نفسه و كون ذاته من الداخل .. و انا قلت انه لما الانسان بيكون داخليا و ده علي
اساس قيم المجتمع اللي عايش فيه و ارتباطه بيها و دراسته بتعلم فيها دروس القيم بتاعتنا
دي و مجتمعنا دي نتجنبه الضياع ، النهارده شبابنا ضايع تايه . النهارده بيقولوا لي مثلا في
الجامعة الطلبة بيقولوا - طيب ما احنا ايه هانطلع ناخذ الشهادة و ناخذ ٢٥ جنيه لا .. احنا
عاوزين مش عارف ايه .. طيب نسينا الحاجة الاساسية اللي خلقنا ربنا في هذه الحياة ان
الانسان عشان يكون لازم يطلع و يكافح و يعرق .. مش زي ما فهمنا يطلع يلاقي الفيلا و
العربية و الفراخ و البيض .. يطالب بيهم الدولة يطالب الدولة بالبيض زي الفيلا و العربية
و المرتب العالي .. ده فيه حاجة في الحياة اسمها الكفاح .. و ده في الديانات .. في الديانة
الاسلامية هذا الكفاح و هذا العمل اعظم من العبادة .. العمل اشرف من العبادة اللي هي
للخالق .. و العمل اشرف من العبادة الناس فيه روح تواكل غريبة علي الدولة الدولة تلاقى
لنا الفراخ ، الدولة تجيب لنا المسكن الدولة تجيب لنا البيض ، الدولة تخفض الاسعار ،
الدولة تبني له حياته اللي مفروض انه بعد عشرات السنين يكدح علشان يبني و هنا بيحس
انه حاجة في حياته ، يحس برسالته اللي هي بنقول عنها في الاول اعلان استقلال انه
بيحدد اولاً مكانه ، بيثبت نفسه داخليا بقيم ما تنزلش ابدأ و بعدين بيتدي يشق طريقه في
الحياة و يبني علشان يحقق رسالة محددة . احنا لغاية النهارده ما بنديش هذا الشباب دوره
لازم ندهله لازم نحطه عنده بوفر علشان يقدر يواجه الحياة و ميتعقدش من أي شيء
صغير يقابله في الحياه فينهار أو يتواكل أو أو .. مشكله الشباب مشكله كبيرة قوي .. و أنا
في رأيي ان ده في برامج التعليم ذاتها لابد نبدأ من اول المراحل . اول ما بيخش الابتدائي
و هو طفل حتي في الروضة الي الجامعة كل هذا ، انا كنت باتكلم مع وزير التعليم في هذا
المجال مطولا ، مشكله الشباب عندنا مشكله كبيرة جدا ده انا باعني بالتكوين الاساسي اللي
يخلي الانسان من داخل ذاته متوازن و يواجه كل شيء في هذه الحياة بثقة لانه ذاته عنده
لها قيمة اكبر من اي حاجة تانية و عليه ما فيش اي حاجة تعقده و يشق طريقه و يمشي و

يكافح و يبني و لانه مجموع بناء الافراد هو بناء الأمة .. لما نقول الافراد لا خلاص اقعده في الوظيفة ، آه لهم حق خش اقعده في الوظيفة بخمسة و عشرين جنيه و ادرج و خلاص طب فين انتاج الفرد من تحقيقه لذاته فين تحقيقه لآماله فين عرقه فين كفاحه فين بناؤه اللي هو مجموع بناء البلد كلها كل ده لازم من اول و جديد نعلمه لشبابنا ، لانه شبابنا تايه ، ليه ؟ لانه في جوه من ذاته القيم بتاعتنا نسيها أو التيار اللي احنا دخلنا فيه ، أو لون من ألوان المذاهب الاقتصادية زي ما قلنا الاشتراكية اتفسرت علي انه الدولة بتتولي كل حاجة و هو ماعليهش حاجة خالص ، جه الوقت اللي يقول لي فيه الدولة لازم تتولي كل حاجة طب يا بني ما انت لازم تعرق و تشتغل و تحقق ذاتك و اعرف ذاتك الاول و بعدين حققها من عمل ، من كفاح ، من عرق ، مش مفهوم حتى هذا الفهم البدائي اللي بيتمثل في قيمنا الكبيرة ، اللي لو بس رجعنا لها حتصونا من الضياع اللي احنا فيها و التوهان الموجود

سؤال : صاحب هذا السؤال الدكتور طاهر خليل و هو رئيس قسم الهندسة الحيوية في جامعة ماين

ما هي خطة الدولة لنقل التكنولوجيا الحديثة الى جميع نواحي الحياة في مصر و ما هو تصوركم لدور علماء مصر في الخارج في هذا الشأن ؟

الرئيس : بلا شك يعنى انا لا استطيع انى اتحدث عن الموضوع على هذا المستوى العلمى العالى الا بشيء واحد هو انه الناس المتخصصين و عندكم اكااديمية البحث العلمى ماشية فى هذا دلوقتى المتخصصين لازم يقعدوا يعملوا لنا هذه الخطة لانه ما تكفيش الخطة ده عايزين الاولويات اهم حاجة النهاردة احنا فى حاجة اليها ما هي الاولويات المطلوبة مثلا من هنا احنا دلوقتى احنا سنة ٧٧ من هنا لسنة ٨٠ احنا فى عنق زجاجة صعب جدا اقتصاديا علشان كده طيب نعمل ايه اتفقت مع رئيس الوزراء

بنركز على الزراعة اللي هي طعام ودى الامر فيها سهل جدا لانه بتروى الارض و بتحط الحبة بعد ثلاث اشهر بتاخذ المحصول على طول ايضا التركيز على الاسكان طبعا الزراعة محتاجة الى جانب التكنولوجيا الجدد اللي مثلا فى الري او فى التسميد او فى البذور او فى كل هذا محتاجة ايضا استلزاماتها كالمواد لازم نعمله و يكون عندنا بوفرة و كما نصدر منه و احنا جاهزين لهذا فى اخر هذا العام ان شاء الله فى ٧٧ بنصدر مش بس بنكتفى ذاتيا فى السماد لا بنصدر ايضا و هنستمر فى بناء هذابعد الطعام

بننقل على الاسكان عايز المستلزمات و عايز مصانع اسمنت داخلية فى الخطة و بنعملها كمان عاوز مصنع جديد اسفنجى علشان يعطينى كمية الحديد اللي انا عايزها بسرعة و لانه زى انتم عارفين الحديد الاسفنجى بيشتغل على الغازات و احنا عندنا طلع ابو الغراديق فيها غازات و الدلتا فيها غازات و ابو قير فيها غازات غاز ابو الغراديق وصل فعلا القاهرة بحيث يغطى القاهرة كلها كل القوى المحركة فى القاهرة هتكون من غاز ابو الغراديق و المحطة الاساسية الكبيرة فى دهشور خلصت انتهت جنب القاهرة على طول

الكبيرة فى دهشور خلصت انتهت جنب القاهرة على طول دول الناحيتين الاساسيتين اللى هو الطعام و الاسكان انا بركز فى الاولويات انا باديهم لكن و الله علمائنا يمكن يلاقوا شىء تانى يكمل هذا كله او يخدم هذا كله فله و يسبق هذا كله مفروض انهم هما يقعدوا علمائنا و يحطوا و احنا بنقول الخط العام من هنا لغاية سنة ٨٠ على الطعام و على الاسكان والطبيعى جميع مشاكل الخدمات اللى احنا بنقاسى منها مثلا التليفونات زى ما انا قلت لهم ووزير المواصلات طالع رايح المانيا لان احنا لنا قرض هناك ٥٠٠ مليون مارك و سيمين جه و درس و عمل فيزيلىتيه استدى للعملية كلها ناقص بس يروحوا يعرضوه فى تندر هناك فى المانيا و بيحى اللى يرسى عليه يحى ينفذ على طول مش لازم نضيع وقت وضيعنا وقت ضيعناه يحى ستة اشهر السنة دى للاسف و ده اللى خلانى كنت منفعل فى الاجتماع الاخير يوم اول يناير لانه ضيعنا ستة اشهر ليه القرض موجود من مارس الماضى والدراسة سيمين خالص منها فى اواخر الصيف اللى فات طب ليه مارحش المسئول و عمل فى المانيا جاب الناس يشتغلوا على طول مفيش حاجة كانت تعطله الى جانب الشيين الاساسيين الطعام و الاسكان جميعهم اركز على الخدمات الخربانة عندنا من السيتينات و كنا بناجل على اساس ان احنا بوجه الانتاج علشان يعمل عندنا فائض نصرف بيه على الخدمات جت معركة ٦٧ خدنا اللى طالع من الانتاج علشان نصرف على البلد مش على الخدمات و نعيش لانه بنزف من ٦٧ الى ٧٣ انا قلت ان احنا بدانا المعركة و اقتصادنا تحت الصفر ، فى يوم ٥ اكتوبر لما جمعت مجلس الحرب قلت لهم ان احنا اقتصادنا تحت الصفر طب ايه اللى جري اول الاسبوع فى المعركة جالى نصف مليار دولار ووالى بعد ذلك اخواننا العرب فى مدنا علشان نطلع من مرحلة تحت الصفر الى المرحلة اللى موجودين فيها النهاردة اللى كلنا مش راضيين عليها ليه

ان احنا كلنا عايزين نخلص منها لكن عندي عنق الزجاجاة من هنا لحد سنة ٨٠ ليه القنائة عام ٧٧ سمعتم ايرادها ٥٠٠ مليون دولار فى سنة ٧٦ وصلت تقريبا الي هذا الرقم لكن فى ٧٧ اكيد معدية الرقم ده برضه محتفظين و بنقول ٥٠٠

البتروال اللى عندي تحت الميه فى خليج السويس امكو الشركة الامريكية كان عندي المذير بتاعها و اتفقنا ان البرنامج بتاعنا مليون برميل يوميا سنة ٨٠ البتروال ده موجود مش حنودر عليه غير ٢٢ كولسيشان بيشتغلوا السنة دي ٧٧ فى الصحراء الغربية ما قالتش كلمتها خالص و ان فى ٢٢ شركة مركزين و من اول ٧٧ متوقع ان شاء الله بسمع من الصحراء الغربية لكن اللى موجود عندي فى الخليج السويس بيدينا مليون برميل يوميا سنة ٨٠ متاعبي كلها اذا من هنا لحد ٨٠ والقناه بتدينا ٥٠٠ مليون بعد ما قالوا لنا فقدت اهميتها فى العالم كله حتى الناقلات الكبيرة و هي راجعة فاضية كانت مقاطعة القناه السنة ٧٦ رجعت و شفت بنفسى ٢٥٠ الف طن ماشية فاضية و هي راجعة

اما و هي راجعة و هي مليانة بتلف حول راس الرجاء الصالح القناة غير البترول اليابانيين بقي لهم ٦ شهور بيشتغلوا في مشروع توسيع و تعميق القناة . بداوا من السويس النهاردة من الاسماعلية شوية انا لما كنت اخر مرة في العيد الكبير رحتم شفت العملية بدات من السويس ووصلت لغاية الاسماعلية هذا التعميق و التوسع بيوصلنا الي ثلاثة اضعاف دخل القناة النهاردة سنة ٨٠ برضه اذا كل مشاكل سنة ٨٠ جاهزة من اللي عندي من اللي لسه امال موجودة بتتحل ان شاء الله طب من هنا لسنة ٨٠ عادي مشاكل زي ما قلت لكم في الخدمات انا بلخصها في مشكلتين كبار

الطعام : وده انا مركز عليه بالكامل و كل مستلزماته

والاسكان بما يحتاج من اسمنت الي حديدالي الي انا عايز العلماء يقولوا لي من هنا لسنة ٨٠ نحل مشكلتي ازاي لانه جمب ده عندي مشاكل اخرى عندي القروض قصيرة الاجل اللي الفوائد بتاعتها عليت و عندي نقص في الطعام و لو انه سمعتم ان في سنة ٧٧ كل ٣ شهور في مشروع كبير للطعام و حبيتم على طول ان شاء الله الا انه علشان يدي اثره عايز وقت الكلام ده ما يتعملش في يوم و لا سنين عندي مشاكل حاصدتها في المرحلة دي يقعدوا يقولوا لي يدي الاولويات احنا بنقول دول مشكلتين اساسيتين انا كمسئول باقول ما فيش مناقشة فيهم الطعام و الاسكان و طبعا حل المشكلة الخدمات اللي عندنا طب يقعدوا يقولوا لي ايه بقي الاسس اللي نضعها علشان الخطة الخمسية اللي بتبدا من عندهم ٨٠ و طالع لبناء مجتمعنا علشان يتوافق مع اللي احنا عايزينه لسنة ٢٠٠٠ يعني عايز التخطيط زي اخواننا اللي عندهم خبرة في هذا و عندهم علم مش عايز نشتغل من اليد الي الفم لا انا عايز نيجي من ٢٠٠٠ و نقول احنا عايزين ايه وبعدين من دلوقت من الخطة الخمسية الثانية لغاية ما نوصل الي ٢٠٠٠ نبقى ماشيين على اسبقيات و برنامج واحد و ده عايز العلماء ما اقدرش اقوله

سؤال: من ضمن ثروتنا المختارة الطاقة الشمسية والسياحية الدكتور احمد دفاوي ببسال كيفية دفع السياحة والاستفادة من الشمس لانه احد خبرائنا ؟

الرئيس : الشمس اي شىء هو عايزه في هذا المجال بييجي و احنا نعمله له علشان تستخدم هذه الطاقة من عندي انا هاقعد معاه شخصيا يا ريت اليابانيين اظن انهم متقدمين في هذه الناحية بالذات و بعثنا نستعين بيهم لكن لما يبقى عندنا خبير مصرى ياريت و بييجى يبدا كل الامكانيات حتوضح تحت امره

اما بالنسبة للسياحة ما هي مشكلة بتدخل في المشاكل اللي انتم عارفينها احنا كنا زمان قبل الانفتاح فنادقنا كان اشغالها كان ٣٠% في السنة النهاردة عندي الفنادق لسنة جاية ٧٧ محجوزة و موش كفاية محتاج لعشرين الف اوده زيادة فيه تكنولوجيا جديد طلع في المباني في السويد و انجلترا و امريكا اللي بتبني فيه العمارة في شهور بدانا جيبنا الشركة الانجليزي اللي عندي هذا و يمكن اللي راح منكم مصر الجديدة عند روكسي شاف هذه العمارة

الجديدة لأول مرة بنعملها و دخلنا شركة المقاولين العرب معاها علشان تاخذ التكنولوجيا لانه زي ما انتم عارفين المصريين ما بينقصهمش حاجة الكوبري اللي حصل بتاع ٦ اكتوبر بناه المقاولين العرب بدون اي خبرة اجنبية لانهم بنوا الكوبري بتاع الجيزة مع الانجليزية اللي في روكسي الشركة بتطلع ٥ متر في اليوم شئ غريب و طالع قلب العمارة لما تشفوه و طالع من حواليه العمارة كلها اللي المفروض انها مثلا بتاخذ هنا ٣ الي ٤ الي ٥ سنين بتاخذ ٦ اشهر بعثنا و الشركة الانجليزية بتشتغل و طالب ان السويدي و الامريكاني ايضا ببيجوا يشتركوا حتي في سمير اميس الجديدة و عايزهم يعملوا بنفس التكنولوجيا علشان تمشي محتاجين لهذة الفنادق و محتاجين للخدمات كل واحد بيجي عايز يتصل مع العالم كله المحطة الكبيرة بتاعت الاقمار الصناعية ما عملناش كلها ليه ما اعرفش في الفترة الماضية عملنا محطة صغيرة في سراي القبة و هي يدوبك بتكفي لكن الكبيرة اخر السنة دي بتتركب ان شاء الله عايز اقول يكفي حكاية الفنادق و اللي مفيش اوض علشان نعرف ادايه احنا بنعاني في السياحة و لو عندنا الف اوضه النهاردة ريادة كان زمانهم محجوزين ايضا النهاردة علشان كده احنا بنجيب التكنولوجيا الجديد اللي بينوا لنا العمارة في ٦ اشهر كلها عمليات متوقفة علي بعضها يمكن سمعتم رئيس الوزراء قال دخلنا من السياحة كثير قوى سؤال : في مؤتمرنا هذه المرة نحن نعلم اهتمامكم بالشباب كان للشباب جلسة عن دور الشباب في التنمية من الان و حتي سنة الفين اثبتوا يعني و عي و علم و نشاط و نجحوا لنا مؤتمرنا في سؤال من الدكتور محمد كامل ممثل الشباب بيسأل عن دور الشباب في التنمية؟

الرئيس : نفسي نضع برنامج ازاي نبني الفرد اولا فيه راجل و انا في السجن قرأت له فرانك كرية كتب ازاي بناء الفرد و عمل في هذا بحث في غاية الروعة بكلمتين ينطبقون علي الواقع اللي انا نفسي نعمله بيقول تبدأ حياة الفرد الشريفة بان يعلن استقلاله تماما كما تبدأ الامة حياتها الشريفة باعلان استقلالها و بعدين ازاي الشباب يعلن استقلاله او ما هو ازاي يكون المكونات الاساسية لذاته حاططها كلها في عملية انا بأألم لانه شبابنا بيعاني من حاجات كثير قوي من ضياع ليه بعد حرية الصحافة طلع ناس بتكتب في اقصى اليمين و ناس بتكتب في اقصى اليسار و ده بيكتب مذكرات و ده بيكتب مش عارف ايه حكاية انا لو في سنهم شاب في وضعهم بالتاكيد لازم اتجنن الفترة اللي فاتت البعض بيقول انها مفيش فيها انجازات و البعض بيقول لا فيها انجازات فترة قبل الثورة الاحزاب البعض بيقول دي صفتها كذا و بتوع الاحزاب بيقولوا ابدأ دي كانت الخير والبركة و الثورة جت هي اللي بوظت الدنيا حاجات من هذا القبيل في وسط ده كله ايه يدي مناعة للشباب

عندنا التكوين الداخلي ذاته اذا لم يضيف قيمة انسانية للانسان ليسله قيمة هذا العلم
ده احنا عندنا مجموعة قيم ضخمة شبابنا نبينه عليها او لا علشان نجنبه الضياع و التوهان
لانه اعلناستقلال نفسه و كون ذاته من الداخل و انا قلت انه لما الانسان بيكون داخليا و ده
علي اساس قيم المجتمع اللي عايش فيه وارتباطه بيها و دراسته بتعلم فيها دروس القيم
بتاعتنا دي و مجتمعا دي نتجنبه الضياع النهاردة شبابنا ضايح تايه
النهاردة بيقولوا لي مثلا في الجامعة الطلبة بيقولوا طيب ما احنا ايه هانطلع ناخذ الشهادة و
ناخذ ٢٥ جنيه لا احنا عاوزين مش عارف ايه طيب نسينا الحاجة الاساسية اللي خلقنا ربنا
في هذه الحياة اننا الانسان عشان يكون لازم يطلع و يكافح و يعرق مش زي ما فهمنا يطلع
يلاقي الفيلا و العربية و الفراح و البيض يطالب بيهم الدولة يطالب الدولة بالبيض زي الفيلا
و العربية و المرتب العالي ده فيه حاجة في الحياة اسمها الكفاح و ده في الديانات في
الديانة الاسلامية هذا الكفاح و هذا العمل اعظم من العبادة العمل اشرف من العبادة اللي
هي للخالق و العمل اشرف من العبادة الناس فيه روح تواكل غريبة علي الدولة الدولة
تلاقي لنا الفراح الدولة تجيب لنا المسكن الدولة تجيب لنا البيض ، الدولة تخفض
الاسعار الدولة تبني له حياته اللي مفروض انه بعد عشرات السنين يكدح علشان يبني و هنا
بيحس انه حاجة في حياته يحس برسالته اللي هي بنقول عنها في الاول اعلان استقلال انه
بيحدد او لا مكانه بيثبت نفسه داخليا بقيم ما تنزلش ابدًا و بعدين بيتدي يشق طريقه في
الحياة و يبني علشان يحقق رسالة محددة

احنا لغاية النهاردة ما بنديش هذا الشباب دوره لازم ندهله لازم نحطه عنده بوفر علشان
يقدر يواحه الحياة و ميتعقدش من اي شيء صغير يقبله في الحياه فينهار او يتواكل
مشكله الشباب مشكله كبيرة قوى و انا في راياي ان ده في برامج التعليم ذاتها لا بد نبدأ من
اول المراحل اول ما بيخش الابتدائي و هو طفل حتي في الروضة الي الجامعة كل هذا انا
كنت باتكلم مع الوزير التعليم في هذا المجال مطولا ، مشكله الشباب عندنا مشكله كبيرة
جدا ده انا باعني بالتكوين الاساسي اللي يخلي الانسان من داخل ذاته متوازن و يواجه كل
شيء في هذه الحياة بثقة لانه ذاته عنده لها قيمة اكبر من اي حاجة تانية و عليه ما فيش اي
حاجة تعقده و يشق طريقه و يمشي و يكافح و يبني و لانه مجموع بناء الافراد هو بناء
الامة

لما نقول الافراد لاه خلاص اقعدي في الوظيفة ، آه لهم حق خش اقعدي في الوظيفة بخمسة و
عشرين جنيه و اندرج و خلاص طب فين انتاج الفرد من تحقيقه لذاته فين تحقيقه لاماله
فين عرقه فين كفاحه فين بناؤه اللي هو مجموع بناء البلد كلها كل ده لازم من اول و جديد
نعمله لشبابنا ، لانه شبابنا تايه ليه لانه في جوه من ذاته القيم بتاعتنا نسيها او التيار اللي
احنا دخلنا فيه او لون من الوان المذاهب الاقتصادية زي ما قلنا الاشتراكية اتفسرت علي
انه الدولة بتتولي كل حاجة و هو ما اعليهش حاجة خالص جه الوقت اللي يقول لي فيه

الدولة لازم تتولي كل حاجة طب يا بني ما انت لازم تعرق و تشتغل و تحقق ذاتك و اعرف ذاتك الاول و بعدين حققها من عمل من كفاح من عرق مش مفهوم حتى هذا الفهم البدائي اللي بيتمثل في قيمنا الكبيرة اللي لو بس رجعنا لها حتصونا من الضياع اللي احنا فيها والتوهان الموجود

www.anwarsadat.org